



COMUNE DE PÀDRIA

ÒRGANOS ISTITUTZIONALES UFÌTZIU DE SU SÌNDIGU

Ordinàntzia N. 9 de 07/11/2020

Ogetu: Emergèntzia sanitària dae COVID 19 – Serrada precauzionale e cautelativa de su Micronidu Intrecomunale cun sede in Pàdria dae su 09/11/2020 su 11/11/2020.

SU SÌNDIGU

BIDOS:

- sa declaratzione de s'Organizatzione mundiale de sa Sanidade de su 30 de ghenàrgiu de su 2020 cun sa cale est istada valutada comente un'emergèntzia de sanidade pùblica de rilevàntzia internatzionale s'epidemia dae COVID-19;
- sa delìbera de su Consìgiu de sos Ministros de su 31 de ghenàrgiu de su 2020, cun sa cale est istadu declaradu, pro ses meses moende dae sa data de adotzione de s'atu e, duncas, finas a su 31 de trìulas de su 2020, s'istadu de emergèntzia in totu su territòriu natzionale relativu a s'arriscu sanitariu cunnessu a su nàschiere de patologias chi derivant dae agentes virales trasmissìbiles;
- su decretu-lege 23 de freàrgiu de su 2020, n. 6, chi cuntenit "Mesuras urgentes in matèria de cuntenimentu e gestione de s'emergèntzia epidemiològica dae COVID19, mudadu, cun modificatziones, dae sa lege 5 de martzu de su 2020, n. 13, a pustis abrogadu dae su decretu-lege n. 19 de su 2020 a etzetzione de s'art. 3 comma 6-bis e de s'art. 4;
- sa declaratzione de s'Organizatzione mundiale de sa Sanidade de s'11 de martzu de su 2020 cun sa cale s'epidemia dae COVID19 est istada valutada comente "pandemia" in cunsideratzione de sos livellos de isparghidura e gravidade seguidados a livellu globale;
- sas ordinàntzias de su Ministèriu de sa Salute 20 de martzu de su 2020 e de su Ministèriu de sa Salute e de s'Internu de su 22 de martzu de su 2020;
- su DPCM de su 26 de abrule de su 2020, chi cuntenit "Àteras dispositziones atuativas de su decretu-lege 23 de freàrgiu de su 2020, n. 6, chi cuntenit mesuras urgentes pro fàghere fronte a s'emergèntzia epidemiològica dae COVID19, aplicàbiles in totu su territòriu natzionale, publicadu in sa Gazeta Ufitziale Sèrie Generale n. 108 de su 27/04/2020, sas dispositziones suas sostituint cussas de su DPCM de su 10 de abrule de su 2020, cun eficàtzia finas a su 17 de maju de su 2020;

TORRADOS A CRAMARE:

- sos decretos vàrios e puru sos provvedimenti emitidos dae su Presidente de su Consìgiu de sos Ministros e dae su Presidente de sa Regione Sardigna chi cuntenint mesuras urgentes pro fàghere fronte a s'emergèntzia epidemiològica dae COVID19;

- sas ordinàntzias contingìbiles e urgentes de su Presidente de sa Regione Sardigna in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica;

ÀPIDU RIGUARDU:

- a su Dpcm de su 7 de cabudanni de su 2020 chi cuntenit "Àteras dispositziones atuativas de su decretu-lege 25 de martzu de su 2020, n. 19, chi cuntenit mesuras urgentes pro fàghere fronte a s'emergèntzia epidemiològica dae COVID19 chi pròrogat sas mesuras segundu su decretu de su Presidente de su Consìgiu de sos Ministros dae su 7 de austu finas a su 7 de santugaine de su 2020, francu cantu prevididu dae su comma 4;
- su decretu-lege 7 de santugaine de su 2020, n. 125, mesuras urgentes cunnessas a sa pròroga de s'istadu de emergèntzia epidemiològicu dae COVID19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/793 de su 3 de làmpadas de su 2020 chi disponet sa pròroga de s'istadu de emergèntzia finas a su 31.01.2021;

LEADU ATU de sos indicos operativos pro sa gestione de casos e càusas de SARS-COV2 in sas iscolas e in sos servìtzios educativos de s'Infàntzia de su 21 de austu de su 2020, elaborados pro agiudare totu cussos chi diant a pòdere èssere interessados in sa risposta a livellu de salute pùblica a sos casos e càusas possìbiles de COVID19 in àmbitu iscolàsticu e de sos servìtzios educativos e de s'infàntzia;

LEADU ATU, in particolare, de s'isvilupu de sa situatzione epidemiològica segundu sa rapresentatzione frunida dae s'Ordinàntzia de su Presidente de sa Regione Sardigna n. 46 de su 6 de santugaine de su 2020 chi delìneat una situatzione de isparghidura de su virus in su territòriu regionale mai registrada mancu in su perìodu de su *lock-down*;

SUTALINEADU chi su Sindigu de Putumajore, sig. Mariano Soro, pro sas bias in curtzu, at comunicadu de unu iscumpru de positividade dae parte de su babbu e de sa mama de una pitzinna chi frequentat su Micronidu finas a su 27/10/2020;

VALUTADU chi sa minore est in s'isetu de s'èsitu de su tampone a su cale est istada sutaposta in sas dies coladas e chi sa matessi at frequentadu su Micronidu finas a su 27/10/2020;

APREZZIADU oportunu, in bia precauzionale e cautelativa, in s'isetu de s'èsitu de su test a su cale est istada sutaposta sa minore, de dispònner sa serrada de su Micronidu dae lunis 9 a mèrcuris 11 de Santandria de su 2020;

BIDA sa lege 23 de nadale de su 1978, n. 833, art. 32, chi atribuit a su Sindigu in calidade de autoridade Sanitària Locale cumpetèntzias in matèria de adozione de provvedimenti finalizados a sa tutela de sa salute pùblica;

ÒRDINAT

Pro sas motivatziones indicadas in premissa, in bia precauzionale e cautelativa, sa serrada de su Micronidu intercomunale cun sede in Pàdria in carrera G. Mannu n. 8, dae su **09/11/2020 a su 11/11/2020**.

Contra a su provèdimentu presente est ammitidu:

- ricursu a su Tribunale Amministrativu Regionale de sa Sardigna intro de 60 dies;
- ricursu istraordinàriu a su Presidente de sa Repùblica, in cunforma a su D.P.R. de su 24 de santandria de su 1971 n. 1199 intro de 120 dies.

Totu sos tèrmines de impugnatzione decurrent dae sa publicatzione de su provedimentu presente in s'albu pretòriu.

DISPONET

Sa publicatzione de s'Ordinàntzia presente in s'Albu Pretòriu;

chi s'Ordinàntzia presente siat notificada, puru pro mèdiu de Pec:

1. a sa Prefetura UTG de Tàtari;
2. a sa Presidente de sa Coopas;
3. a s'A.T.S. Sardigna – Dipartimentu de Preventzione – Servìtziu igiene e sanidade Pùblica de Tàtari;
4. a sos Sìndigos de sos Comunes de Putumajore e de Mara;
5. a su Cumandu Istatzione Carabineris de Pàdria.

Pàdria 07/11/2020

SU SÌNDIGU
Dot. Alessandro Mura

Traduzione de s'operadora de s'isportellu linguisticu de Pàdria
Maria Leonarda Correddu